



R2-51

4-1

丹溪心法附餘卷之五

寒門

咳嗽十六

附肺痿

肺癰

丹溪心法

咳嗽有風寒

痰飲

火鬱

勞嗽

肺脹

春作是春升之氣用清涼藥二陳加薄荊之類

夏是火氣炎上最重用芩連

秋是溼熱傷肺

冬是風寒外來以藥發散之後用半夏逐痰必不

再來

風寒行痰開腠理用二陳湯加麻黃桔梗杏仁

逐痰飲降痰隨證加藥

火主清金化痰

降火

勞嗽四物湯加竹瀝姜汁補陰為主

乾咳嗽難治此係火鬱之證乃痰鬱其火邪在中用

苦梗開之下用補陰降火之劑四物加炒栢竹瀝之類不已則成勞此不得志者有之倒倉法好

肺虛嗽甚此好色腎虛者有之用參膏以陳皮生姜佐之大概有痰用痰藥 上半日多嗽者此屬

胃中有火用貝母石膏降胃火

午後嗽多者屬陰虛必用四物湯加炒栢知母降火

黃昏嗽者

是火氣浮於肺不宜用涼藥宜五味子五倍子欬而降之 五更嗽多者此屬胃中有食積此時火

氣流入肺以知母地骨皮降肺火

肺脹而嗽或左或右不得眠此痰挾瘀血礙氣而病宜養血以

流動平氣降火疎肝以清痰四物湯加桃仁訶子青皮竹瀝姜汁之類 嗽而脇下痛宜疎肝氣以

青皮挾痰藥寶者白芥子之類在後以二陳湯加南星香附子黛青皮姜汁

血礙氣作嗽者桃仁

去皮尖大黃酒炒姜汁丸服

治嗽多用生姜以其辛散故也

痰因火動逆上作嗽者先治火次

治痰以知母止嗽清肺滋陰降火夜嗽用降陰分嗽

治嗽多用果殼不必疑但要先去病根此乃

收後藥也治痢亦同

勞嗽即火鬱嗽用訶子能治肺氣因火傷極遂成鬱遏脹滿不得眠一邊取

其味酸苦有收斂降火之功佐以海石童便浸附瓜萸青黛杏仁半夏麴之類姜蜜調噙化必以補

陰為主 治嗽灸天突穴肺腧穴大瀉肺氣肺腧穴在三柱骨下兩膀各一寸五分

師云陰分嗽者多屬陰虛治之

有嗽而肺脹壅遏不得眠者難治

肺痿專主養肺氣養血清

金 嗽而肺氣有餘者宜瀉之桑白皮為主半夏茯苓佐之瀉其有餘補其不足 肺燥者當潤之

屬熱者桔梗大力知母雞清 聲啞者屬寒宜細辛半夏生姜辛以散之肺虛者人參膏阿膠為主

陰不足者六味地黃丸為要藥或知母茯苓湯為妙 陰虛氣喘四物湯加陳皮甘草些小以降其

氣補其陰白芍藥須用酒浸晒乾 溼痰帶風喘嗽者不可一味苦寒折之如干縉湯墜痰丸更以

皂角蘿蔔子杏仁百藥煎姜汁丸噲化 溼痰帶風以干縉湯墜痰丸固捷 痰積嗽非青黛瓜萆

不除有食積人面青白黃色不常面上有如蟹爪路一黃一白者是 咳逆嗽非蛤粉青黛瓜萆貝

母不除 口燥咽乾有痰者不用半夏南星用瓜萆貝母飲水者不用瓜萆恐泥膈不鬆快 知母

止嗽清肺滋陰降火 杏仁瀉肺氣氣虛久嗽者一二服却止 治酒嗽青黛瓜萆蜜丸噲救肺

食積痰作嗽發熱者半夏南星為君瓜萆蘿蔔子為臣青黛石減為使

戴云風寒者鼻塞聲重惡寒者是也火者有聲痰少面赤者是也勞者盜汗出兼痰者多作寒熱

肺脹者動則喘滿氣急急重痰者嗽動便有痰聲痰出嗽止五者大槩耳亦當明其是否也

入方

杏仁 去皮尖 蘿蔔子 各半兩

右為末粥丸服

清化丸

治肺鬱痰喘嗽睡不安甯

貝母

杏仁

青黛

右為末沙糖入姜汁泡蒸餅丸如彈子大噲化

治久嗽風入肺

鵝管石

雄黃

鬱金

欵花

右為末和艾中以生姜一片安古上灸之以烟入喉中為度

治飲酒傷肺痰嗽以竹瀝煎紫蘇入蘆汁就吞瓜萼杏連丸

治咳嗽劫藥 五味子錢五甘草二錢半 五倍子 風化硝各一錢

右為末蜜丸噙化又云乾噙

治咳嗽聲嘶者此血虛火多 青黛 蛤粉

右為末蜜調噙化

治嗽喘去溼痰 白朮 半夏 蒼朮 香附略一貝母 杏仁去皮黃芩各半兩

右為末姜汁打糊丸

治婦人形瘦有時夜熱痰嗽月經不調 青黛 瓜萼仁 香附童便浸晒乾

右為末姜蜜調噙化

治一人風熱痰嗽 南星 海粉略二半夏一兩青黛 黃連 瓜萼子 石減 蘿蔔子各半兩

防風 皂角炭各三錢

右為末神麴糊丸服

治勞嗽吐紅 人參 白朮 茯苓 百合 紅花 細辛 五味 官桂 阿膠 黃芪 半夏

杏仁 甘草 白芍 天門冬

右剉水煎若熟去桂芪用桑白皮麻黃不去節杏仁不去皮同煎

又方 治嗽血 紅花 杏仁去皮枇杷葉去毛紫苑茸 鹿茸炙木通 桑白皮 又方加大黃

右為末煉蜜丸噙化

嗽烟筒 治痰嗽久遠者 佛耳草 款花錢二鵝管石 雄黃半錢

右為末鋪艾上捲起燒烟吸入口內細茶湯送下

定嗽劫藥 訶子 百藥煎 荊芥穗

石為末姜蜜丸噙化

又方 治心煩咳嗽等證 六一散加辰砂服

青金丸 治食積火鬱嗽劫藥 貝母 知母各半兩 巴豆去油膜半錢

右為末姜泥丸辰砂為衣食後服每五丸白湯下一去青黛為衣

青金丸 一名與點丸與清化丸同用瀉肺火降膈上熱痰 片子黃芩炒

右為末糊丸或蒸餅丸梧桐子大每服五十丸

清化丸 與青金丸同用專治熱嗽及咽痛故苦能燥溼熱輕能治上 燈籠草炒

右為末蒸餅丸 又細末醋調敷咽喉間痛

又方 治痰嗽 風化硝二錢 礞石煨半兩 半夏二兩 白朮一兩 茯苓 陳皮各一錢 黃芩半兩

右為末粥丸

又方 治咳嗽氣實無虛熱者可服汗多者亦用之

栗殼四兩蜜炒 烏梅一兩 人參半兩 款花半兩 桔梗半兩 鈴一兩 南星 姜製一兩

右為末蜜丸彈子大含化

蒼沙丸 調中散鬱 蒼朮 香附子略 四黃芩二兩

右為末蒸餅丸梧桐子大每服五十丸食後姜湯下

人參清肺散 治痰嗽咽乾聲不出 人參半錢 陳皮半錢 半夏一錢 桔梗一錢 麥門冬半錢 五味子一錢

茯苓錢 甘草半錢 桑白皮錢 知母錢 地骨皮錢 枳殼錢 貝母半錢 杏仁錢 穀花半錢 黃連一錢

石水煎生姜三片

四物湯

見補損

六味地黃丸

見補損

知母茯苓湯

見肺痿

十緡湯

墜痰丸

二陳湯

俱見痰類

附脉理

脉訣舉要曰咳嗽所因浮風緊寒數熱細溼房勞瀉難右關濡者飲食傷脾左關絃短疲極肝哀浮短肺傷法當咳嗽五臟之嗽各視本部浮緊虛寒沉數實熱洪滑多痰絃濡少血形盛脉細不足以息沉少伏匿皆是死脉惟有浮大而嗽者生外證内脉參考稱停

附諸方

華蓋散

和劑方

治肺感寒邪咳嗽聲重胸膈煩悶頭目昏眩

紫蘇子

炒

赤茯苓

去皮

陳皮

去白

桑白皮

杏仁

去皮

麻黃

去根

甘草

炙半兩

右為末每服二錢水一盞煎七分食後溫服

敗毒散

治傷寒發熱咳嗽頭疼

參蘇飲

治上膈有熱咳嗽聲重

金沸草散

治感冒寒邪鼻塞聲重咳嗽不已

並見傷風

小青龍湯

和劑方

治感寒咳嗽喘息不得睡卧及治傷寒表證不解心下有水氣乾嘔發熱咳嗽氣喘

喘

見溫熱

五拗湯港察方治風寒咳嗽肺氣喘急 麻黃不去杏仁不去甘草生用荊芥穗 桔梗各等分

右咬咀生薑三片同煎溫服咽痛甚者煎熟後加朴硝少許 一方去桔梗荊芥用半夏枳實等分

加味理中湯仁齋直指治肺胃俱寒咳嗽不已

甘草炙半夏洗茯苓皮去乾姜炮白朮 橘紅 細辛 北五味 人參各等分

右咬咀每服三錢姜棗煎食前服

易簡杏子湯拔粹方治咳嗽不問外感風寒內傷生冷痰飲停積悉治

人參去半夏洗茯苓皮去甘草炙芍藥 五味子略一細辛 乾姜 官桂各等分

右咬咀每服四錢水一盞半用杏仁去皮尖五枚姜五片烏梅一箇煎至七分去滓服 若新感

冒加麻黃等分

橘蘇散濟生方治傷寒咳嗽身熱有汗惡風脉浮數有熱服杏子湯不得者

紫蘇葉 杏仁去皮各甘草炙半白朮 橘紅 半夏洗七桑白皮炒貝母去心五味子各一

右咬咀每服四錢水一盞姜五片煎七分溫服不拘時

紫蘇飲子拔粹方治脾肺虛寒痰涎咳嗽

紫蘇葉 桑白皮 青皮白去五味子 杏仁 麻黃 甘草 陳皮各五人參 半夏湯洗各

右咬咀每服一兩生薑三片水二盞煎八分食後溫服

人參荊芥散濟生方治肺感風邪上壅咳嗽頭目不清言語不出咽乾項鼻流清涕

陳皮白去荊芥穗 桔梗 半夏湯洗細辛洗去甘草 人參 杏仁去皮通草 麻黃

右咬咀每服四錢水一盞半姜五片煎八分食後溫服

人參潤肺湯聖惠方治肺氣不足咳嗽不已并傷寒壯熱頭疫身痛

人參 乾葛 桔梗 白芷 麻黃去節 乾姜 五錢 白朮 甘草炙各二兩

右咬咀每服八錢水一盞生薑三片葱白一莖煎至八分溫服

橘皮湯聖惠方 療春冬傷寒秋夏冷溼咳嗽喉中有聲上氣頭痛

陳皮 紫苑 麻黃根去 杏仁炒 當歸 官桂 甘草 黃芩各等分

右咬咀每服一兩水二盞煎八分去滓溫服食後

蠟煎散御藥院方 順肺氣利咽膈止咳嗽化痰涎

款冬花 茶花 甘草錢各七 五味子 葶藶白皮炒 桔梗 杏仁 紫蘇葉各一兩

右咬咀每服四錢水二盞入黃蠟少許同煎臨臥服

柯子散 治咳嗽聲音不出

柯子三錢去核 甘草二錢半 木通錢三 桔梗 五錢半炒半生

右每服水一盞半煎至八分入生地黃汁一小盞攪勻臨臥徐徐嚥

四聖散聖惠方 治咳嗽有失聲音

晉鹽 葛根 槐花子 山梔子等分

右咬咀水二盞加烏梅甘草少許煎一盞入蜜少許食後通口服

八味款冬花散御藥院方 治肺經寒熱不調涎嗽不已

款冬花洗焙 紫苑草 五味子 甘草錢各七 桑白皮 麻黃節去 杏仁湯泡去 紫蘇葉各一兩

右為粗末每服五錢水一盞半入黃蠟皂角子大煎至一盞熱服

以上數方治感冒風寒新咳嗽之劑

三物湯 治感冒風邪鼻塞聲重語音不出咳嗽喘急 方見喘類

杏參散 治胸脇脹滿上氣喘急咳嗽不得睡臥

桃仁炆皮 人參 桑白皮蜜炙 杏仁去皮炒 各等分

右咬咀每服四錢水一盞姜棗煎不拘時

蘇沉九寶湯簡易方 治老幼素有喘急遇寒暄不常發發則連綿不已咳嗽哮喘夜不得眠

桑白皮 甘草 大腹皮 官桂 麻黃 薄荷 陳皮 紫蘇 杏仁各六分

右咬咀每服三錢水盞半姜三片烏梅半箇煎六分服

平肺散簡易方 治肺氣上壅喘咳嗽實寒熱往來咽乾口燥

陳皮兩半夏次 苦梗炒 薄荷銹半 紫蘇 烏梅核去 紫苑 知母 桑白皮蜜炒 杏仁炒 五味子

各錢半 甘草兩半 罌粟殼蜜炒 七錢半

右咬咀每服五錢水一盞姜三片煎六分食後溫服

瀉白散濟生方 治肺臟氣實心胸壅悶咳嗽煩喘大便不利

桔梗炒 地骨皮木去 甘草 瓜蒌子 升麻 半夏湯泡 杏仁去皮 桑白皮炙 各等分

右咬咀每服四錢水盞半姜五片煎八分食前溫服

加減瀉白散拔粹方 治陰氣在下陽氣在上咳嗽嘔吐喘促

桑白皮兩地骨皮錢七 甘草 陳皮白去 青皮 五味子 人參錢各五 白茯苓三錢

右咬咀每服一兩水二盞加粳米煎至一盞食前溫服

青龍散御藥院方 治咳嗽上氣不得臥

人參去芦 陳皮去白 五味子 紫蘇各一兩

右咬咀每服一兩水二盞生姜五片煎至八分去滓食後溫服

加減三奇湯按粹方治咳嗽上氣痰涎喘促胸膈不利

桔梗五錢半夏洗七陳皮白去甘草青皮半白各杏仁錢三五味子錢四人參桑白蘇葉各錢

右吹咀每服八錢姜三片水二盞煎至八分去滓通口服食後

人參潤肺散直指方治嗽喘急痰壅鼻塞

麻黃去根節杏仁去尖炒桔梗兩人參去芦阿膠兩半甘草兩橘紅二錢貝母去心炒一兩

右吹咀每服八錢水二盞紫蘇二葉煎至八分去滓溫服食後

杏仁煎丸瑞竹堂方治老人久患肺喘咳嗽不已睡卧不安服之立効

杏仁去皮胡桃肉湯泡去皮衣

右各等分研為膏入煉蜜少許和搜得宜丸如彈子大每服一二丸食後臨卧細嚼姜湯送下

紫蘇半夏湯按粹方治喘嗽痰涎寒熱往來

桑白皮半兩陳皮白去五味子錢五紫苑草錢五杏仁去皮炒半夏湯泡紫蘇各五錢

右為粗末每服五錢生姜三片煎日進三服

清金湯聖惠方治男婦遠年近日咳嗽上氣喘急喉中涎聲胸膈滿氣逆坐卧不安飲食不下

粟穀半兩甘草錢五陳皮白去茯苓皮去杏仁去皮炒阿膠炒五味子桑白皮炒薏苡仁紫蘇

貝母法半夏麴加百合款冬花各一人參五錢

右吹咀每服八錢水一盞半生薑三片烏梅一箇煎至八分食後服

潤肺膏 治咳嗽痰喘

紫苑杏仁款冬花略麻黃桔梗細辛柯子銘五枯礬錢一生薑二兩清油半斤

蜜斤核桃肉一兩

石先將油煉香熟次入蜜又煉去沫却下末藥攪勻每服二三匙臨卧白湯調服
奪命丹 上氣喘急經歲咳嗽齧齧久不愈

信石 一錢 白礬 二錢 白附子 三錢 南星 四錢 半夏 五錢 洗

石先用信石與白礬一處於石器內火煨紅出火黃色為度切不可犯鐵器却和半夏南星白附子為細末生姜汁麵糊為丸如黍米大硃砂為衣每服七丸小兒三丸并花水吞下忌食諸熱物
廣按此方治咳嗽痰喘却劑也蓋肺受火邪氣從火化有升無降加以脾溼生痰則上壅而為喘嗽滿悶不得安卧矣病作之時固宜用此藥以却痰然病安之後即當用知母茯苓湯或人參五味子散甯肺湯以補虛可也

一方 治咳嗽痰喘

南星 炮 半夏 湯洗各 甘草 三錢 陳皮 去白 一 杏仁 五錢 去 欵冬花 錢 五味子 錢 人參 二錢

每服水一鍾半生姜五片煎臨卧溫服忌生冷油膩

廣按此方治咳嗽痰喘攻補兼施也

烟筒喘嗽方 欵冬花 佛耳草 凝水石 人參 白芷 金精石 銀精石 等分 甘草 少用

右為末不以多少用香爐燒烟蘆筒吸入肺管用米飲下

以上數方治咳嗽喘急肺脹之劑

半夏丸 濟生方 治肺臟鬱熱痰嗽胸膈塞滿 瓜蒌子 去壳 另研 半夏 湯洗七次 焙取末 各一兩

右二件和勻姜汁打麴糊丸梧桐子大每服五十丸食後姜湯下

玉液丸 和濟方 治風壅化痰涎利咽膈清頭目除咳嗽止煩熱

寒水石 燒令赤出火毒 水飛過三十兩 半夏 洗焙為末 白礬 研細

右合研麵糊丸如梧子大每服三十丸食後淡姜湯下

玉芝丸 和劑方 治風壅痰實頭目昏眩咳嗽聲重咽喉不利

人參 去芦 乾薄荷 白茯苓 皮去 白礬 枯 天南星 各三兩 半夏 湯洗七次姜汁和作麵六十兩

右為末生姜汁煮麵糊丸如梧桐子大每服三十丸食後姜湯下如痰盛燥熱薄荷湯下

祛痰丸 瑞竹堂方 治風痰喘嗽

人參 去芦 木香 天麻 各一兩 槐角子 半錢 陳皮 去白 茯苓 皮去 青皮 去白 白朮 各一兩 半夏 錢 皂角 去皮

右為細末生姜自然汁打糊為丸如梧桐子大每服五七十丸食後臨卧溫酒送下姜湯亦可

利膈丸 拔粹方 治風痰實喘滿咳嗽風氣上攻

牽牛 生用 半夏 湯泡 木香 半兩 青皮 去白 槐角 炒 皂角 去皮 加栝榔 大黃 各五錢

右為細末生姜麵糊為丸如梧桐子大每服五十丸生姜湯下

星香丸 諸氣嗽生痰

南星 半夏 各三兩 用白礬 水浸二味一兩 研同 陳皮 五兩 薑 湯浸一兩 香附子 三兩 皂角 水

右四味不見火為末姜汁糊丸梧桐子大每服五十丸臨卧姜湯下 此方家傳秘方累驗

星辛丸 治諸般咳嗽

南星 姜製 半夏 麵 凝水石 枯礬 礬 乾生薑 各一兩

右為末生姜汁糊丸如梧子大每服五十丸姜湯下食後

瓜萸半夏丸 治咳嗽喘滿

瓜萸 杏仁 去皮 枯礬 各一兩 半夏 湯泡 款冬花 半兩 麻黃 去根節一兩

右為末用瓜萸汁生姜自然汁用水糊為丸如梧子大每服卅丸食後臨卧淡茶湯下忌生鹹酸

玉壺丸 治風痰吐逆咳嗽

南星 生用半夏一兩用各 天麻 生用一兩 白麵 三兩

右為細末同白麵和勻滴水丸如梧桐子大晒乾每服三十九丸以水一大鍾先煎令沸下之煮五七沸候藥浮起即濾出眼乾用姜湯下

透羅丹 治痰實咳嗽胸肺不利

皂角 酥炙皮弦 黑牽牛 炒 半夏 大黃 涇紙已炒 巴豆 一錢去油另研 杏仁 炒去皮尖

右為細末生姜自然汁丸如梧桐子大每服三十九丸姜湯下咳嗽甚者三四服立効

一方 取痰 藜蘆 人參 二兩 各 牙皂角 洗去皮弦 防風 一錢 細辛 去土二錢半

石用酸漿水一碗食後溫服候吐痰覺胸中痰盡用冷葱湯時呷飲止為度

人參散 直指方 治咳嗽痰壅通用

人參 去 桔梗 半夏 麵 五味子 細辛 去 枳殼 制 赤茯苓 去 杏仁 各一分 甘草 炙半分

右咬咀每服一兩生姜五片烏梅半箇水二盞煎至八分服食後一方無杏仁烏梅不用痰嗽加

紫苑添甘草

人參飲 治痰嗽

半夏 湯洗 南星 寒水石 柴胡 去 五味子 猪牙皂角 甘草 炙 款冬花 熟加黃芩

右咬咀每服八錢生姜五片水一盞半煎至八分臨卧通口服

人參飲子 百一選方 治痰嗽寒熱壅盛

人參 去 桔梗 半夏 五味子 赤茯苓 白朮 略 枳殼 甘草 炙各半兩

石咬咀每服三錢水一盞姜五片煎七分空心服治寒壅者加杏仁不去皮紫蘇各半兩

辰砂半夏丸 治一切痰飲咳嗽

用大半夏一斤湯泡七次晒乾為末用生絹袋盛貯於磁盆內用淨水洗出去粗渣將洗出半夏末就於盆內日晒夜露每日換新水七日七夜澄去水將半夏粉晒乾每半夏粉一兩入飛過細硃砂末一錢用生薑汁糊為丸如梧桐子大每七十九丸用淡生薑湯下食後服

黃芩半夏丸 治上焦有熱咳嗽生痰 黃芩末一錢製過半夏粉一兩

右二味和勻用生薑汁為丸如梧桐子大每服七十九丸用淡生薑湯送下食後服

天竺黃餅子 治一切痰嗽上焦有熱心神不甯其効甚驗

牛膽南星錢三薄荷葉錢二天竺黃錢一硃砂錢一片腦錢二茯苓錢一甘草錢一天花粉錢一

右為末煉蜜入生地黃汁和藥作餅子每用一餅嚥化下食後服

白茯苓濟生方治五臟受溼咳嗽痰多氣喘身體重著脉來濡細

白朮兩五五味子半夏白茯苓去橘紅甘草各半兩

右以咀每服四錢水一盞姜五片煎八分溫服不拘時

以上數方治痰飲咳嗽之劑

欬冬花散和劑方治肺感寒邪咳嗽喘滿胸脇煩悶痰涎壅盛喉中哮喘鼻塞流涕咽喉腫痛

杏仁 阿膠炒麻黃節去根半夏湯洗款冬花各桑葉 知母 甘草炙貝母各二兩

右以咀每服二錢水一盞姜三片煎食前溫服

洗肺散 治咳嗽痰盛肺氣不利

黃芩錢二半夏錢三天門冬錢三麥門冬錢三五味子各半甘草錢半杏仁去皮尖

右以咀作一服水二鍾生薑五片煎至七分食後服滓再煎服

百花膏 濟生方 治喘咳嗽不已或痰中有血 欵冬花 百合 蒸焙各等分

右為細末煉蜜為丸龍眼大每服一丸食後細嚼姜湯下噙化尤佳

貝母散 御藥院方 治咳嗽多日不愈

貝母 法 桑白皮 五味子 甘草 半兩 知母 一錢五分 欵冬花 二兩 杏仁 三兩去皮尖麩炒

右吹咀每服一兩水一盞半生薑三片煎至八分去滓溫服食後

人參散 聖惠方 治諸咳嗽喘急不出言語年久五服日近三服効

人參 知母 貝母 半夏 杏仁 馬兜鈴 法 麻黃 各半兩 天仙藤 二兩

右吹咀每服八錢水二盞烏梅一箇蜜一匙煎至八分去滓溫服食後臨卧服忌酒醋鹹酸生

廣按古方治火鬱乾咳嗽者甚少治風寒溼咳嗽者甚多蓋由不分內外所因新久之異故也

夫形寒飲冷新咳嗽有痰固當以溫寒散溼為主如人參半夏之類可也若夫氣動火炎久咳

嗽無痰又當以清熱潤燥為先然人參半夏之類又在所禁如天門參門知母貝母石膏瓜蒌

之類可也世人徒知肺主皮毛外感風寒為寒殊不知傳裏鬱久變為熱也况肺為華蓋而五

臟六腑火自內起薰蒸焚灼作咳嗽者亦良多矣以上諸方頗合亦須加減可也

以上數方治火鬱咳嗽之劑

鍾乳補肺湯 和劑方 治肺氣不足久年咳嗽以致皮毛焦枯唾血腥臭喘乏不已

鍾乳 碎如米 桑白皮 略三 肉桂 皮去 白石英 如五味子 欵冬花 法 紫苑 洗去 人參 李 麥門冬 法

石除鍾乳白石英外同為粗末後入鍾乳等同拌勻每服四錢水一盞半姜五片棗一枚粳米三

十粒煎七分用綿濾去滓食後服

人參潤肺丸 和劑方 治肺氣不足咳嗽喘急久年不愈漸成虛勞及療風壅痰實頭目昏眩口舌乾

燥涕唾稠粘

人參 欵冬花去梗細辛甘草炙各官桂去桔梗杏仁去皮炒知母六兩

右為末煉蜜丸如雞頭子大每服一丸食後細嚼淡姜湯下

人參養肺丸和劑方治肺胃俱傷氣奔於上客熱薰肺咳嗽喘急胸中煩悸涕唾稠粘或有勞傷肺

胃吐血嘔血並皆治之

人參 黃芪去芦蜜炙各瓜蒌根 白茯苓去皮各杏仁去皮炒皂角子三百半夏湯洗七

生薑和作麵四兩炒

右為末煉蜜丸如彈子大每服一丸食後細嚼用紫蘇湯下如喘急用桑白皮湯下

團參飲子濟生方治憂思喜怒飢飽失宜致傷脾肺咳嗽膿血增寒壯熱漸成勞瘵者

人參 紫苑草洗阿膠蛤粉百合蒸細辛欵冬花 杏仁炒去皮天門冬湯洗半夏湯洗

經霜桑葉 五味子略甘草炙半兩

右咬咀每服四錢水盞半姜五片煎七分食後溫服 氣嗽加木香唾血而熱加生地黃 唾血

而寒加鍾乳粉 疲極咳嗽加黃芪 損肺唾血加沒藥藕節 嘔吐肢滿不食加白朮 咳而

小便多者加益智仁 咳而面浮氣逆加沉香橘皮煎 大便溼者去杏仁加鍾乳粉

紫苑草濟生方治飲食過度或食煎煨邪熱傷肺咳嗽咽痒痰多唾血喘急脇痛不得安卧

紫苑草洗經霜桑葉 欵冬花 百合燉杏仁阿膠蛤粉貝母去蒲黃炒半夏湯洗各一

犀角鎔甘草炙人參各半兩

右咬咀每服四錢水盞半姜五片煎八分食後溫服 見發熱類

人參保肺湯 治五勞七傷喘氣不接涎痰稠粘骨蒸潮熱

足十卷心上台付人參

咳嗽

補肺湯拔粹方治勞嗽

桑白皮熟地黃各三兩人參紫苑黃芪五味子各一兩

右咬咀每服一兩水二盞煎八分入蜜少許溫服食後

甯肺湯楊氏家藏方治榮衛俱虛發熱自汗肺氣喘急咳嗽痰唾

人參去當歸白朮熟地黃川芎白芍藥甘草炙五味子麥門冬桑白皮

白茯苓去半破阿膠蛤粉炒一兩

右咬咀每服一兩生姜五片水二盞煎至一盞去滓通口服食後

五味黃芪散拔粹方治嗽咯血成勞眼睛疼痛四肢困倦脚膝無力

麥門冬去熟地黃黃芪桔梗各半人參錢三甘草芍藥五味子各二錢

右咬咀每服八錢水二盞煎至八分去滓溫服食後

溫金散大金良方治勞嗽

甘草黃芩桑白皮阿膠各一兩杏仁粒製一十七人參去神各五錢麥門冬去心二

右以前五味用米泔水浸一宿曬乾次入人參茯苓麥門冬三味同為末每服二錢水一盞蠟一

豆大煎至八分食後溫服

人參潤肺丸

人參山藥蓮肉款冬花蛤粉杏仁各一兩藕節五兩紅棗去核半斤大蘿蔔一箇黃熟

右為末棗肉丸梧子大每服五十丸白湯下食後

人參五味子散聖惠方治男女老稚諸虛百損氣血勞傷延喘欬膿或嗽咯血寒熱往來夜有盜汗

羸瘦困乏一切虛損